



Inatsisartunut ilaasorta, Jens Immanuel, Siumut

**Uummannami umiarsualiveqarnikkut pissutsitigut ajornartorsiutaasut
aaqqiiviginiarlugit Naalakkersuisut pilersaaruteqarnersut pillugu § 37
tunngavigalugu apeqquteqaatinnut akissuteqaat.**

Brevdato: 31-03-2016
Sags nr. 2016-5019
Dok. nr. 8944527

Asasara Jens Immanuel

Postboks 909

3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

Uummannami umiarsuavileqarnikkut pissutsit iluarsiviginiarlugit Naalakkersuisut
arlaatigut pilersaaruteqarnersut pillugu Inatsisartut suleriaasianni § 37 tunngavigalugu
Naalakkersuisunut apeqquteqaatitut nassiussimassannut qujanaq.

Illoqarfinni nunaqarfinnilu umiarsualiveqarnikkut aserfallatsaaliinerit nutarterinerillu
aaqqissugaapput nunap immikkortukkaarlugit, tassanilu nuna immikoortukkaanut
tallimanut agguagaalluni. Iliuusissatut pilersaarut 2010-imili ingerlanneqalernikuvoq,
taamannalu tunngavigalugu nunap immikkoortui tamarmik tulleriaarlugit ukiup qanoq
ilineri aallaavigalugit umiarsualiveqarnikkut qanoq inissisimani
nalilersuiffigineqartarlutik, tamatumalu kingorna ukiup tulliani nutarteriffigineqartarlutik.
Kaajallaaneq siulleq maanna naammassereerpoq, tassanilu pingaartumik sumiiffinni
umiarsualiviit aaqqissugaanikkut qanoq inissisimani tunngaviusumillu qanoq
sananeqaateqarneri mississuiffigineqarsimallutik.

Avannaata immikkortuani – Nuussuup qeqertaasaata avannamut sineriaaniit
Kullussuarmut – ukioq manna pitsaassutsikkut qanoq inissisimani
nalunaarsuiffigineqassapput aappaagumullu nutarteriffigineqassallutik. Tassunga
ilaavoq Uummannaq. Tassa ukioq manna Uummannami umiarsualiveqarfiit
iluarsartuunneqartariaqassusiat misissorneqassaaq, tamatumalu malitsigisaanik
iluarsartuussinerit aappaagu sapinngisaq naapertorlugu ingerlanneqarumaassallutik.

Umiarsualiveqarnikkullu pissutsit ullumikkumut ingerlatsinikkut piumasarisanik
naammassinnissinnaajunnaarsimasutut imaluunniit umiarsualiveqarnikkut pissutsinik
navianaateqarsinnaasunik saqqummeriataartoqassagaluarpat soorunalimi sumiiffimmi
aserfallatsaaliinissatigut iliuusissatut pilersaarutaareersut avaqqullugit sulinissaq
aallartinneqarsinnaavoq.

Neriuppunga matuma siuliani allaqqasut apeqquteqaatinnut akissutitut
naammagissagitit.

Inuussiamersumik inuulluaqqusillunga

Knud Kristiansen